

大元至元辨僞錄

(三)



大元至元辯偽錄卷第二

孫道

大都路道者尖雲峰禪寺傳法沙門祥邁奉勅實錄撰

偷佛經教偽第七

第三十化云胡王見太上徒衆甚多疑見鬼魅遂積薪焚之火起衝天老君放身光明火中為王說金光明經胡王益怒納之大鑊煮之三日老君鎔湯之中蓮花涌出坐蓮花上說涅槃經又云老君使尹喜為佛與胡王為師懺悔三業六根五逆十惡乃說五戒十善并四十二章經

辯曰夫麒麟闢而日月虧鯨鯢死而彗星現銅山崩

辨偽卷二

而洛鍾應葭灰缺而月暈殘蓋感應之道交故機教之相扣人心渴仰法雨芳菲沃彼情塵開他蒙昧故孔子曰不憤不啓不悱不發此明待問而說也況乎聖人設教權變多方豈使他人起怒自受焚溺金無懽懼強與他言豈知虛往實歸之道哉刻刻字樣巧合經名既坐火焰上說金光明經坐蓮花上說蓮花經則道德二篇坐於道路而說洞玄三部元在水洞而談此既不然彼云何爾且金光明性相通顯法華經破權歸實涅槃經明佛性真常四十二章群經集出不窮根蒂盜聽妄談唯口起羞出何容易難惑上

智只誑下愚又上經既是老子所陳道士應宜依而  
學佛何乃合氣為道專諷靈寶試問三經文明何義  
道藏既不收攝道士又不通明偷大聖之至詮為老  
君之極唱正符涅槃盜牛之喻又同瞽者誤入金穴  
雖得其實未知何用又曰懺悔三業至年月齋法若  
如是者道士應通且問懺悔是何語言今此懺悔為  
事懺耶為理懺耶約功德門而滅罪耶約逆生死心  
而滅罪耶能懺之心宜有幾種所懺之罪何處安排  
懺悔二字由尚罕知則三業六根五逆十惡或善之  
軌年月齋名決不曉達若是老子所說道士應合備

辯偽卷一

知既然一字不通顯知偷佛妄說此同竊賊人物被  
主認著猶不招承更生拒辯焚經火板方乃慚惶君  
子悔前不至如此

老君結氣成字偽第八

第八化云聖紀經云太上老君昔於龍漢之年從元  
始天尊於中央大福堂國說靈寶十部妙經出法度  
人又於東極大浮黎國出法度人以紫華書於空青  
之林又於南極禪離界以火煉真文瑩發字形又於  
西極衛羅世界北極鬱單國皆出法度人老君以五  
方真氣之精結成寶字大方一丈八角垂芒為雲篆

之形飛鳥之狀以立文章又云墳典自我而出經籍自我而生

辯曰夫文字之聿興爰從上古伏羲氏之王天下也始畫八卦造書契以代結繩之政由是文藉生焉故有青丘紫府三皇刻石之文綠檢黃繩六甲靈蜚之字後有蒼頡因而增制大篆起於史籀小篆興於李斯飛白創於蔡邕隸書變於程邈秦書八體漢字六形瘦金堆金垂雲垂露蔡葉龍爪顏軀坡書皆循古以增成近代而改制豈假真氣而結何關老子傳來掩竊他詿銜賣己德放舒白眼不耻清流上云龍漢

辨偽卷二

起於初氣何有老子而生既言紫筆書林乃在蒙恬之後牽今引古欺我賢人孔安國云伏犧神農黃帝之書謂之三墳言大道也少昊顓頊高辛唐虞之書謂之五典言常道也易則三聖方定詩則羣英之言春秋孔子所修禮則周公所定爾雅周公所纂國語丘明所述劉熙釋名許慎說文埤蒼廣雅桂苑珠叢顧楚王之玉篇陸法言之切韻各有源系非干老聃而言墳典自我而出經籍自我而生荒唐謬談侮弄名哲亦由相如上林說盧橘夏熟楊雄甘泉賦玉樹冬蒨聽其言則洋洋美耳究其事則杳杳空傳矧乎

國名虛設妄採他書大福堂改大堂而取名東浮黎  
彷彿乘而立號南禪黎革重黎而標字西衛羅竊於  
迦維羅衛北方全收鬱單越名十洲所不收神異所  
不攝地理無所紀括地絕形名空闡五車了無一實  
偷鐘掩耳斯之謂歟

周文王時為柱下史偽第九

第十九化云周文王時老君為燮邑子時帝紂荒廢  
天下塗炭乃乘飛颯之輪風伯前驅彭祖駮乘降於  
岐山之陽西伯聞之拜為守藏吏武王克商遷為柱  
下史作赤精經教文王以仁義之道作璇璣經以授

拜伯未二

周公成王康王之代世為柱下史昭王時有黑氣之

祥此破佛生夜虹十二

道入貫大微之事老君以八天隱文授昭王王

不用之後感膠舡之難

辯曰蓋聞九頭五龍之紀重瞳四乳文王之書金秦火

漢之文黃魏白晉之典不聞文王師於老子璇璣訓

於周公但云文王師於太公武王師於姬旦羣書具

載先儒盛談何乃違戾百家別張毛目蓬心瞽唱昧

目生靈夫欲勝人者宜務其實無稽之談自招世誚

案史記別傳老子生於定王之世與孔子相接何乃

妄為西伯之時乎既是聖人見紂荒淫宜盡力規諫

匡其不逮而乃高乘飛輪棄而遠遁為忠臣者固若是乎昔日過關頭徐甲而為御乘薄輦之車今則乘飛颯輪風伯前驅彭祖駮乘何自高之不經乎况彭祖此時已歿風伯不肯前驅文王自公劉以來世積仁孝美化行乎江漢仁慈及於行葦何待赤精之教哉周公制禮作樂代臨天下設金騰而表檜製周禮而流規何用璇璣之教乎昭王時號明君史無黑氣之變妄改白虹之玷而云黑氣之言授以隱文又成孟浪之說前云老君為九天教主金闕帝君建七曜之冠披九色之帔乘八景玉輿駕五色神龍金闕之中坐玉帳之內仙童左奉玉女右陪萬聖擁隨千靈翊從老子既有如此高貴之位而不肯屈反就守藏之職屈身為臣侍君之傍立柱之下晨趨暮拜端笏搢紳捨喬木之高廷投幽谷之賤地翻上倒下以何緣哉爨邑之號周書之所不載金闕帝君爰從道士盧張有名無實孰肯傳信栽風求影種電尋根此之謂歟若以昭王不信故感膠舡之難者秦皇求仙親臨海上凌波涉險冀遇神仙虛想安期之名不覩羨門之面沙丘道死鮑臭熏人漢武好仙身著羽人之衣口飲天表之露縱樂大之詭說信少君之詐術而

身入茂陵竟無一補魏太武任寇謙之說建靜輪天宮廢竭人勞終感癘疾周武帝口服丹藥身服黃衣執發晉陽失音而死唐武宗師趙歸真餌金丹藥會昌不滿早致崩亡近宋上皇信林靈素遊月宮誦太極之章佩驅邪之劍而亡國敗家身死東韓此之數君皆傾誠一志望享千年而遘患弥留竟無一驗譏以膠舡之難不亦妄求人過乎幸人有灾君子不為也

前後老君降生不同偽第十

第一化云老子生在五運之前第二化中老子生下

辯偽卷二

六

三氣之中第六化云老君姓李諱弘元曜靈字光明以上和七年歲在庚辰九月三日甲子卯時始育於北玄玉國天崗靈鏡山李谷之間玄靈聖母既誕之夕有三日出於東方九龍吐水月妃散花日童揚彩年五歲躰道疑真二十而有金姿玉顏弃家離親超迹風塵後感元始下教授以鬱儀太章太洞真經紫微天帝玉清君以瓊輿下迎賜丹壘符書為上清金闕後聖帝君掌握十天河海神仙第十一化云老君以清濁元年七月一日託玄神玉精降太元玉女千三百年彌無上老子一號大千法王第十二化云老



君以清漢元年寄九天飛玄玉女八十一年號高上  
老子第十三化云老君以清漢元年甲午九月九日  
降元素玉女七十三年號九靈老子第十化云老子  
以殷十八王陽甲庚寅歲建午月入於玄妙玉女口  
中八十一年至武丁九年庚寅歲二月十五日聖母  
剖左腋攀李樹而生生即行九步步生蓮花九龍吐  
水具七十二相八十一好左手拍天右手拍地曰天  
上天下惟道獨尊我當闡揚無上道法普度一切又  
云李靈飛得修生之道真妻天水尹氏於瀨鄉書寢  
見太上從天而下化為玄珠吞而有娠八十一年生

詳偽宋一

七

而皓首曰老子生李樹下拍李為姓

辯曰夫星流貫昴實標文命之祥電繞樞星是顯軒  
皇之慶虹流華渚少昊於是膺期星冠月輪顛頊以  
之應瑞赤龍晡暎言旌帝堯雲屯鬱蒸實徵漢祖此  
則聖人神異譜牒具詳未聞老子初生三日共出九  
步周行月妃散花日童揚彩之事且星殞如雨日有  
蝕之春秋書之以為異事李耳若有徵瑞孔子何以  
不記乎且魯陽揮戈而返日淮南子有景公善言而  
退災劉向新文貳師拔劍而泉流前漢書中耿恭拜井而水出  
後漢書中苟有奇相書為美談老既無文事必虛唱倚他

大聖取為神奇夫聖人現相雖有多途託化誕生事  
無兩躰世尊百億化身大千世界一時頓顯化緣事  
訖便入涅槃老子隨代降生以何太謬乎本是李耳  
妄改其諱李伯陽而云光明隱其本名而加美彌史  
記真父一辭不錄道書偽說百種粧填前之兩化說  
在太易之前後之十重紀在伏羲之後尋虛撫偽誑  
惑後人前說五歲疑真二十入道後則八十一歲生  
而皓首自語矛盾何待他攻亳州瀨鄉實而不認北  
玄玉國虛而妄傳聃耳蓬頭謬說七十二相野合懷  
胎詣云周行九步採他釋瑞而為老竒將此薰蕕

辨偽卷二

彼蘭芷北玄玉國山海之所不紀天崗李谷地里之

所匪詳王儉百家太尉王儉有百家譜弗聞玉女之名何姓氏

苑罕說玄妙之族案道士賈善翔高道傳序云伯陽

起迹於姬周既云起迹於姬周則是老子不在商也

明知陽甲之時本無李耳衰周之際始見老聃胡曾

雄戈戟亂如麻四海無人得坐家老氏却思天避亂

入秦死葬槐里秦佚吊之三彌而出斯良證也何更

疑哉史記本傳莫知所終化胡浪語云過流沙將如

來降誕之禎合老子週關之氣汝雖巧會偽說孰憑

案燉煌實錄云周桓王三十九年幸閒豫庭與羣臣

對論古今王曰老聃父何如人也天水太守索綏對曰老聃父姓韓名虔字元卑癯跛下賤胎則無耳目不明孤單乞貸年六十二無妻與隣人益壽氏宅上牧猪老婢子曰精敷野合懷胎八十一年而生老子生而皓首故號老君此本實迹蔽而不傳偷竊他能欲張老聖家有弊帚享之千金斯言信歟三番作佛偽十一

第三十四云老君告胡王曰使我弟子為佛汝當師之即使尹喜變身為佛與胡人為師令作葉門授以浮圖之法說四十二章經又云老君至舍衛國自化

辨偽卷一

九

作佛坐七寶座身長百千萬丈徧滿虛空又云老君將欲再整釋教以周莊王九年乃於梵天命煩陀王弟君乘月精託陰天竺摩耶夫人胎至十年四月八日右脇誕生後入雪山修行六年道成類佛陀衆號末牟尼至匡王四年解化太上命昇賈奕天為善惠仙人

辯曰夫根深果茂源遠流長肅嘯風生龍吟霧起聖人利見皆有深源昔植善因今感妙果我佛世尊三無數劫積行累功六度無捨而求菩提棄身命如恒河沙捐國城如微塵數莊嚴世界誘掖羣生然後應

然燈記補迦葉位下生中印託化王宮七步周行指  
天地而猶貴三十二相映日月而爭輝四王捧足出  
塵寰六年行滿而成道現身百億國土說法四十九  
年播聲教於人天摧外道於雙樹化緣事畢却返無  
為應物適時如是示現何待老子始化尹喜變身掩  
他神功矜為已勝佛生周昭之代老降定王之朝世  
隔一十七帝年經三百餘祀化已滿於天下教已滿  
於龍宮家仰仁慈之風國遵釋氏之範豈假李耳重  
整煩陀再現援前著後誦誑庸愚昔日過關顧徐甲  
而為從奚有天人侍衛乎乘鹿柴車何有七寶之座

兩辨偽卷一

乎廣賴聃耳焉有萬丈之身乎狡佞不經欺賢誣聖  
鯤化為鵬蓋緣自變蛇蛻為雉匪假他功此皆物理  
自然陰陽感召待時而發非他使然老子自是凡人  
身為臣子何能別生神聖更使尹喜作佛昧自心靈  
瞎他眼目悖禮慢聖殃報拔舌善惠仙人將登八地  
遇然燈佛受無生記此乃世尊往生之彌既然成佛  
功成果滿化緣事畢入於涅槃近神常樂之鄉永入  
無為之境豈可作佛事畢更作善惠仙人將後著前  
一何錯亂妄竊不真壞人視聽夫上天雖樂終是輪  
迴不免三災之殃難逃五衰之苦聖人超出生死苦

道不能  
化胡人

樂兩忘高超三界之津獨出六塵之表何返歸天上  
卻入囂塵雜污我聖人欺謬我大覺此同棄天子之  
尊嚴莫慕斯養之賤役捨華堂之廣廈悅部屋之苑簷  
汝忻賈奕之榮我耻糞土之辱隋大臣楚國公楊素  
行經樓觀見壁間畫像問道士曰此何圖也道士對  
曰老子化胡成佛圖素曰承聞老子化胡胡人不受  
老子變身作佛胡人方受是則佛能化胡道不能化  
何言老子化胡也道士不能加答善哉楊素之言此  
通人之論也若胡人不先知有佛詎肯受佛之化乎  
以此考之則印土先有佛矣而言尹喜作佛老子始  
變何欺吾門之深乎

樓觀尹喜故宅在關之南今道士居之仍在

冒名僭聖偽十二

第四十八化云商太宰問夫子曰夫子聖人歟孔子  
對曰聖則丘何敢焉然則丘博學多識者也太宰曰  
三王聖者歟孔子曰三王善任智勇者聖則丘不知  
太宰曰五帝聖者歟孔子曰五帝善任仁義者聖則  
丘弗知太宰曰三皇聖者歟孔子曰三皇善任因時  
者聖則丘弗知太宰大駭曰然則孰者為聖孔子動  
容有問曰丘聞西方之人有聖者焉不治而不亂不  
言而自信不化而自行蕩蕩乎民無能名焉丘疑其

為聖人也史志經云孔子在魯老子在周以魯望周之洛陽故在西方蓋指老子為西方聖人也孔子問禮之時先有猶龍之歎故此指老子也

辯曰夫自銜自媒婦女之醜行不矜不伐聖人之深能是以舜美禹功嘉有勳而弗竟孔稱孟反孟之猶

退厚而居薄由是美譽播於千秋謙光輝於四海上之所引具見列子仲尼篇中古今通論以謂此夫子

推佛為西方大聖人之語也

唐琳法師對太宗之表張丞相作護法論皆引

此文佛西未聞老子在周孔子在魯故指老子為西方聖人竊名冒聖欺我何多僭聖人者不仁言乖理

一編辨偽卷二

十一

者非智且道源之祖肇起黃帝非干老子老子師容成子演五千文縱然說聖不能趕於軒轅既三皇五帝孔子不推為聖返指老子而為聖人不亦過乎蓋我世尊功圓萬行果證十身流光徧於剎塵分身應於沙界不可以人事測不可以處所求寔三界之大師四生之慈父寰中獨步為王中之法王出世獨尊為聖中之大聖故能高拱覺場威行萬國縱使周公之制禮作樂孔子之述易刪詩卜偃之文章端木之言語馬遷之辯博葛洪之該通輔嗣之玄談左慈之神化並驅馳於域內言未涉於大方可為善世之高

流難作出塵之聖者案天竺聖方羣賢所聚過去諸

佛共生於彼范曄漢書後漢西域傳史論文其土則殷乎中土

玉燭和暢靈聖之所降集賢次心之所挺生故古昔賢

能時有往者老子西昇經云聞道竺乾今改為開有道竺乾

古皇先生善入無為不始不終永存綿綿是以西行

又古本化胡經云我生何以晚泥洹一何早不見釋

迦文心中空懊惱此則老子自指於佛為西方聖人

也又黃帝夢遊華之國其國在并州之西王邵注

云此指西方天竺也又周穆王時聞西方有大聖人

出世心甚懼之乃使造父乘驊騮八駿西上崑崙觀

詳偽卷二

日所沒以馭其氣又西極有化人來能返天易地聖

力無方千變萬化不可窮極穆王敬之若神築中天

臺以居之化人引穆王神遊斯須之間已如數載又

穆王五十二年如來示滅西方有白虹十二道南北

通貫連夜不滅王問太史卮多是何祥也卮多對曰

西方有大聖人薨相現爾穆王喜曰朕常懼於彼今

無憂矣此則竺乾勝方聖人居彼故得賢王西求化

人東來也又張騫奉使西窮河源至於大夏聞雪山

南有申毒國其人奉浮圖不殺伐乘象而戰申毒即

今印土也此則仁慈之風詳於漢史明也上之所引

咸指印土以為西方佛生於彼故指佛為西方聖人  
豈說洛陽以為西方老子為聖人哉又云孔子先有  
猶龍之歎故此聖德指老子者意欲將孔子一期問  
禮之事便為老子弟子孔子曰吾無常師主善為師  
三人行必有我師焉故學琴於師襄問樂於萇弘問  
官於郟子入太廟每事問有問稼曰吾不如老農有  
問圃曰吾不如老圃此明孔子虛懷納善汲汲於道  
爾豈有一事便為師哉蓋當時老子為守藏吏掌周  
公之禮典故孔子問之若以問禮便為孔子之師則  
老農老圃亦孔子之師哉必不然矣沽名銜世求為  
人師君子不為也

合氣為道偽十三

第二十三化云老子以周昭王二十三年七月十二  
日至函關尹喜既見邀歸本第說道德經二篇五千  
餘言尹喜扣頭曰願授其要老君曰善乃為解道德  
之要曰道者謂泥丸穢泥桓者天德也理在人頭中  
紫氣下降下至丹田名堵謂脾也脾者中黃太一也  
黃氣徘徊理中宮萬物之母者謂丹田也丹田玄牝  
也居下元中半夜之時一氣下降周旋三宮同出而  
異名者謂精也一曰精二曰汗三曰血四曰液故曰



異名玄之又玄者謂左右腎也眾妙之門道可道者  
謂朝食美也非常道者謂暮為屎此依張道陵解有  
無相生謂口與腹也難易相成謂精與氣也此老子  
授尹真節要也又授尹喜神丹經金液經及八煉九  
還丹伏火之訣其方云金液還丹仙華流高飛雲翔  
登天丘赤黃之氣成須臾當得雌雄分亂珠可以騰  
變致行厨靈童玉女我為夫出入無間天同符真精  
凝霜善沉浮汝其珍敬必來遊又授九丹之名及歌  
曰

圓三五 寸一分 口四八 兩寸唇

長二尺 厚薄均 腹三齊 坐垂温

陰在上 陽下奔 首尾武 中間文

始七十 終三旬 內二百 善調勻

陰火白 黃芽鈔 兩湊聚 輔翼人

子處宮 得安存 去來游 不出門

辯曰夫道貴清淨德尚無為恬憺內持謙卑自牧不  
依此道別唱多端唯以行氣運功而為修養失道德  
之淳粹乖自然之妙門虛設巧言妄加穿鑿保丹田  
為至道守兩腎為重玄鄙穢齷浮誑閭里王喬羨  
門之輩非好此方白石赤松之流不依此道丹經煉

訣不見延年服餌食芝罕曾久視周武服丹而暗啞  
唐武服丹而早亡悞他多少賢良不守樂天之旨既  
道德真訣理極於此則道截餘文不足貴也今之道  
士更騁淺術或有扶鸞鳥而亂書祇貪夜飲或有驅邪  
而斷鬼誑人除凶或有拘環墻而內守此謂坐馳或  
有惜言語而不行此謂痴嘿或有熊經而鳥引擬彭  
祖而齊肩或有飲氣而息神効龜鶴而老壽或有運  
精而上腦謂挽河車或固丹田而內封謂之保養或  
有合氣而為道父子聚塵或有奪精而採神男女混  
雜扣齒謂之天鼓嚙津謂之醴泉呼男根為金莖只

圖強勁呼女竅為玉戶潛隱醜名呼童女為真人呼  
交構為龍虎嬰兒姪女鈿汞丹爐故曰開命門抱真  
人嬰兒回龍虎戲三五七九天羅地網故張道陵黃  
書云男女有和合之法三五七九友接之道其道真  
訣在於丹田者玉門也唯以禁忌為急不許泄於道  
路道路者尿孔也又道家內朝律云禮法男女至朔  
望日朝師入私房詣師立功德陰陽並進日夜六時  
常立功德不得失內侍之序不得貪外道失中御之  
道不得抄前排後失次第之序亦不得嫌醜愛美又  
云朔望之際侍師私房情意相親男女交接使四日

兩鼻上下相當兩口兩舌披此相對陰陽既接精氣  
遂通故老子云我師教我金丹經使我專心養玉莖  
三五七九還陰精呼吸玉池入玄冥行道平等昇大  
清此等歌訣義皆如是將斯媒以為真修不思歸  
根復命之言唯行合氣鄙薄之術以此求道枉陷人  
倫以此超昇終身叵得以斯滅罪罪不可亡以斯消  
災災不可退以斯求福福不可生以斯出家家不可  
出何異蒸砂作飯虛受劬勞鏡裏尋真終無所獲嗚  
呼棄驪珠而拾礫幹夏鼎而羨糠自悞悞他死沉苦  
海哀哉哀哉

偷佛神化偽十四

第四十二化老子入摩竭國現希有相以化其王立  
浮圖教名清淨佛彌末摩尼至舍衛國自化作神從  
天而降天人侍衛現身長百千萬丈又至剎賓降胡  
王及王子火不能燒鑊不能煮水不能溺胡兵百萬弓  
矢劍戟一時摧落飛電八衝聲如霹靂人馬驚仆北  
郭先生空中頌讚又至條支國手撥大山至拘薩羅  
降伏九十六種外道至迦夷羅國左手把日右手把  
月藏於頭中天地冥暗山飛石裂海水逆流山川空  
行又至千闥於南渠山示教胡王令尹喜化作金人

身長丈六項佩圓光足踏蓮花從空而下拜禮老君  
謂胡王曰此吾弟子與汝為師又留神鉢令得法味  
又於毘摩城地變金色放九色神光徧照塵沙國土  
即有赤靈真人中黃丈人太一真君九宮六丁八卦  
神君青龍白虎散花玉女浮雲而至老君坐七寶座  
燒百和香奏鈞天樂又有八十餘國諸王妃后皆來  
聽法留尹喜作佛及鉢於毘摩城卻昇天去老君又  
於葱嶺降大毒龍徧歷五天於耆闍山獨木對下化  
玉座與王說浮圖度棄門二千五百人授以戒律又  
六十六化云于闐國毘摩城伽藍是老君化胡成佛  
之處中有石幢刻記其事云東方聖人號老君來化  
我國下引八學士議證其事跡

詳傳卷之二

十一

辯曰案後漢西域傳三國志魏隋書西域志

圖六十四

十卷合一

百卷成西域志並紀西天五印有佛聖跡或幢或柱咸

勒其事不說老君曾留名字初張騫西來始傳浮圖  
之號至於今代國使往還無慮百人並不見老君西  
化之說古谷皇帝西征盡海所到之地唯有佛僧行  
近西北海有一國土城中佛塔森然若林彼國君王  
唯是和尚又唐王玄策奉使西行至摩竭陀國於耆  
闍崛山及佛成道處咸述碑銘讚佛聖化未聞說有

老君之事

上之銘贊在王玄策傳中

又湛然居士扈從

太祖西征于闐及可弗义國越天山過雪山領風化具  
詳亦未知有老子之事即今煦烈大王皇帝親弟鎮  
守西域在尋思干西南雪山之西使命往還來往不  
絕除親諮詢老化云並云無聞則老子神異道書偽  
出既非通論何足信哉

夫顯明神聖至人之能鼠竊狗偷狡兕巧倖且聖王  
之立教也自近化之然後及遠故書叙堯之盛德先  
親九族然後平章百姓百姓昭明然後協和萬邦故  
能光被四表格於上下文王之德先刑寡妻後清四

拜偽卷二

十九

海故遠方慕義九譯而來老君為柱史之時周道不  
興諸侯擅權大夫執政上陵下僭州土日侵李耳既  
有神聖即合拯頽扶弱富國安民使君臣各位不相  
逾僭何乃九州遠棄一身西道若能自己家鄉顯大  
靈異九族光榮一門謹慶不亦妙乎而八十四年茂  
無奇異崔人駕車西過函谷身死扶風今有扶風槐里鄉有老子塚  
塚偽云西去纜踐羗胡即有神通神州中原全無一  
驗無人見處便唱萬端偷佛勝能巧說附會佛之神  
異西經具載今有聖跡老君靈變東史不書以此驗  
之虛實見矣明眼君子試聽根由世尊上忉利天為

報母恩二月說法李耳効之亦昇太微世尊成佛不起道樹而昇六天老子傲之亦遊九天世尊菩提樹下示現降魔弓矢盡變老君亦摧劔戟世尊向拘尸那國路擲大石老君亦撥大山世尊說大集經並集諸王老君亦會八千餘國世尊北游降阿波羅龍王兼留其影老君雪山亦降毒龍世尊於本行經說九十六種外道老君亦降九十六種外道世尊現大神方須彌山王涌沒低昂老君亦山飛石裂海水逆流世尊留下神鉢以福羣生老君亦留神鉢世尊右脇而生老君剖左腋而出世尊周行七步表圓滿七聖財故

詳傷卷二

廿

老子乃行九步安合物極之數世尊三十二相八十二種好老君七十二相八十一好佛說真應一身顯其權實老君亦說真身法身佛說身有四種謂法身報身分自他報化身老君亦說虛皇元始道君老君佛說三界彼說三清佛說三輪持世彼說三氣下運青龍白虎像彼金剛玄中法師倚於聖者學禪迹而建方丈依佛宇而對法堂以至訶讚偈唱之文鐘鼓雲板之飾祭靈送死懺悔消災九幽懺文二十四願戒全依善法集成十不據釋有者彼便立之此處若無彼不能制則知凡百立事全取佛門代代穿鑿人人妄起金

鑰相混智者難分本欲粧點自家翻成混沌鑿竅耳目具矣真神喪焉棄道德之真文收偽說之澆薄教門中折誰之罪歟且北郭先生本侍漢武今隨李老愈見後增又南渠山及毘摩城本佛聖跡望合其事屈相附會恐人不知今具出之案西域記云于闐國王城西南二十餘里有瞿今改南渠室稜伽山中有伽藍其中佛像時燭光明昔佛至此為諸人天略說法要巖有石室現有羅漢入滅盡定以待慈氏此則非老君明矣又曰王城東三百餘里有媯摩城中有雕檀立佛之像高二丈餘甚多靈異時放光明隨有疾病

詳偽卷三

十一

禱之即愈此像本是優填王造佛滅之後凌虛而來以福此土釋迦法盡像入龍宮評曰據此記說文甚昭然佛之聖踪欲為老跡汝雖巧會且宜三思四不四及舌請君隱臆八學士議雖彌唐人唐書列傳一無名姓况復所議不入要策進退兩求並無可據設欲廣辨枉廢詞章道士虛陳不勞煩叙雖有負半千名傳無化胡經議詳此謬經古今排擯唐中宗禁之於前代見劉煦唐書今世宗斷之於後朝見悟了然胡狀若實真文孰敢除滅而無識道士恒踵斯跡使老子獲僭聖之罪俾道人招謫佛之愆王浮已在地獄史志經又

投園戶老子本欲隱遁志經推出戶避垂歸根之本  
心轉流浪於他土執迷不返固安難除同木石之頑  
翫似藥酒之瞑眩今之辯析要破狂心返正道於醇  
源引邪徒於坦路知道德是賢者之語識化胡是妖  
恠之談弘老子謙靜之風抑道士諱術之弊皆遵斯  
訓雅道長興如曰不然覆車及之耳

論曰大法東流千有餘載時君信毀代涉汚隆邪正  
爭衡未曾勝釋而道士為僧前後三代初漢明帝夜  
夢金人飛來殿庭項有日光遂遣使西求佛法從此  
入洛既圖於顯節陵上又經譯在蘭臺室中而道士

辨偽卷一

十一

矜能欲騁薄伎摩騰暫現神異無不歸心佛教鍊而  
愈精道書焚而火化由是改邪入正落髮為僧

北齊高祖文宣皇帝投誠佛理銳意法門而道士無  
知縱其私憤騁螢光之耀掩龍燭之輝文宣試之一  
無可驗 聖上匪施於寸刃修靜納款於轅門剃

髮去冠一皆為釋我

聖朝蒙古皇帝深仁睿聖

體道多能英謀扇於八紘威稜擅於萬國留心佛理  
備曉正邪究道教之蘊浮連釋宗之要妙首行明詔  
特與掃除欽惟 今上皇帝稟太易太初之質資

天皇天帝之靈道契百王播淳風而育德智周萬物



弘至治以濟時若末尼珠豈受纖塵之污如軒轅鏡  
寧容片垢之惑故能英明獨斷亮察是非息道士之  
虛聲識僧徒之實理敬承先制重與辨明具召兩宗  
詳其優劣陣旗未展銜臂倒戈空談六韜之謀不補  
三代之失脫袍剃髮盡付釋門蓋以邪法易摧是真  
難滅匪經爐講何顯真金妖氣於是屏消佛日於是  
高朗使迷途者從茲返路溺喪者於是知歸為今代  
之銓衡作後來之藻鑑但佛教慈仁本無爭競邪徒  
狂狷妄說多端以汝不平起我分別故孔子曰必也  
正名乎良在斯矣

夫儒道釋道世稱聖教約其懲惡勸善則至教皆可  
遵行較其宗趣淺深則不能無其優劣漢唐已來固  
有定論不待餘人妄生高下佛教慈悲利生為本老  
君謙退遠害為功儒法濟民忠孝為首忠孝行則可  
以全家國播身命謙退行則可以解紛爭除後患慈  
悲行則可以濟羣靈窮性命必淺至深表裏相救亦  
由天有三光互相顯照鼎有三足共力扶持然道宗  
多偽別唱規模欲罩古今獨超儒釋然前賢後哲各  
著典謨咸遵於佛不言老聖案文自驗何必強爭孔  
子對太宰曰丘聞西方有聖者焉不治而不亂不言

而自信不化而自行蕩蕩乎民無能名焉此出列子仲尼篇

老子云吾師化游天竺善入泥洹此出老經此孔老推

佛為聖人也符子云符所也老氏之師名釋迦文後漢

牟子云為蒼梧太守堯舜周孔老莊之化比之於佛猶白

鹿之麒麟尚書令闕澤對吳主云若將孔老二教比

方佛法遠之遠矣何以明之孔老設教法天制用不

敢違天諸佛設教天法奉行不敢違佛以此言之實

非比對吳主善之加太子太傅此出舊吳書北齊光祿大

夫顏之推出云則有家佛家三世之事信而可徵萬行

歸空千門入善豈徒六經百氏之博哉非堯舜周孔

詳鳥卷二

廿四

老莊所能及也唐秘書監虞世南帝紀史論云老子

之義谷神不死玄牝長存久視長生乘雲駕鶴此域

中之教也釋氏之誥空有不滯人我無忘超出生死

歸於寂滅此象外之談者也後周王褒庭誥唐李思

慎釋道十異深有旨趣不勞繁出智者知之後周王

章在梁弘明十異又在清涼華嚴大教中

今上皇帝嘗有言曰世人將孔老與佛稱為三聖斯

言妄矣孔老之教治世少用不達性命唯說現世上

可稱為賢人暗符班固九等人表老子列在賢人之階及晉孫盛有老子非大賢論文在廣

明也佛之垂範窮盡死生善惡之本深達幽明性命

之道千變萬化神聖無方此真大聖人也自今已後  
三教圖像不得與佛齊列唐李商隱字義三教贊曰  
儒吾之師曰魯仲尼仲尼師聃龍吾不知聃師軋竺  
善入無為稽首正覺吾師仲尼師老佛也以此酬校  
穹壤懸殊以此求宗蘭蒿自辨且夫其流易既闕澤  
之對天分對吳主事其理難惑思慎之文海截李思順釋道一異文  
虞世南之著論岳峙淵渟帝王通紀頽之推之述篇雲開  
日朗但以去聖時遠魔偽亂真苟非其人道不虛設  
仰惟 今上皇帝受佛付囑不忘護持萬機之餘  
留神釋典西天德士東土明師屢詢三藏之言妙達

辨偽卷三

十五

一乘之旨偏忻論議頗尚思尼窮性相之淵源達釋  
道之優劣龍蛇易辨天眼難謬卷九侵於九霄布慈  
雲於四海丹然慧炬荐燭智燈為法宇之棟梁作釋  
天之日月祥邁叨生像季慶遇昌時每有雅談預開  
座末載欣載述頌曰

二儀始判

三才肇分

對君建國

爰濟斯民

羲軒以來

五運相龍

金朝政衰

玄天繼迹

太祖撥亂

世宗建隆

薦生我后

紹美前踪

納款南宋

聽獻西荒

梯山航海

萬國朝王

天縱神聰

生知妙道

建寺龍蓮

誦經瓊島

道士庸愚

鳩張老聖

銜彼魚目

掩此金鏡

聖明懸鑑

特出狂談

一言逐北

萬古司南

佛日高懸

法雲廣布

九有回光

四生蒙福

保龍圖而鞏固

慶鳳曆以彌新

統金輪而永曜

調玉燭而長存

邵鴻名於帝錄

煥大寶於蒼旻

播皇威於戎夏

等真固於乾坤

詞辨為夫

十五

躋黎元於壽域

享邦國之來賓

敦王道之坦坦

宜子孫之仁仁

聖皇延於萬載

懿后樂於千春

四三皇而六五帝

曾何唐漢之是云

後記

余昔見唐人譏道士云出言猥穢誑妄不真使人奉者不仁不孝家生梟獍之兒無禮無親世出豹狼之子又見親落髮道士罵長春宮家云教門無事汝等受榮教門有害使俺受辱尊稱掌教披秉藍袍日無素食月有佳宴粉白黛黑滿目歡呼臻首蛾眉終霄

私樂賄他上分之饜受他罄折之恭昧天譴心今日  
自感乍聆此語以為不然今此觀之未為過也老子  
生於瀨陽之鄉終於槐里之地此本墳隴棄而不修  
恣荆棘之荒涼任狐兔之蹂踐年終臘節孰聞道士  
之蒸嘗獻歲秋成弗覩女冠之禱祀行人為之隕涕  
見者為之哀矜而謬說化胡之妖言流落他邦而不  
返王浮發乎餘竅志經又揭臭風使老子重玄之妙  
門到此掃地而蕩盡且今八十一化其中五十餘化  
偷佛效顰二十餘化道聽塗說唯有一化言老子授  
尹喜道德真訣全將合氣運精而為立功不以清淨

為心專以交遘為道以斯祈福福云何生以斯禳灾  
灾云何殄祥邁仰荷 宸恩忝充釋子剡心守道

閉戶間居待殘喘於桑榆無求辨於邪正憤志常之  
奸狡嘉少林之甄明蕩化胡之穢談返過占之寺宇  
光輝釋範匡弼真乘功蓋補天業隆立極雖摩騰見  
美於漢朝法上溢名於齊代法上北齊大統與道士爭論道士落髮以  
今板古曾何足云哉加以 主上明聖洞曉佛心

知玉石之不同審薰蕕之異氣佛是聖中之大聖老  
是賢中之大賢既天壤之懸殊亦珠礫之異價由是  
特回 天睽目察實虛偃彼濁風朗茲慧日祥邁

預斯嘉會慶躍心靈希前代之清塵仰先哲之洪範  
輒憑古典斥破今圖拔妄說之根株折志經之誑辨  
本顛末墜瓦解冰消豈惟千載之楷模亦顯一時之  
奇事靡敢造於龍藏亦可續於弘明唱斯言而不慚  
冀英能而知賞撫我華者難與言論云至元單闕之  
歲孟春絕筆道者山大雲峯禪寺洒掃比丘祥邁記  
欽奉 聖旨禁斷道藏偽經下項見者便宜收取

化胡經

王浮撰

猶龍傳

太上寶錄

宋謝守撰

聖紀經

西昇經

出塞記

帝主師錄

三破論

齊人張融假託他姓

十異九迷論

傳奕李玄

明真辯偽論

吳筠

十小論

吳筠

欽道明證論

唐白半千假託他姓

輔正除邪論

吳筠

辟邪歸正議

杜光庭

訖邪論

梁廣

辨仙論

梁廣

三天列記

訪道釋經

破大藏經林靈素杜光庭撰

五公問虛無經

三教根源圖

大金天長觀道士李大方述

道先生三清經

九天經

赤書經

上清經

赤書度命經

十三虛無經

藏天隱月經

南斗經

玉緯經

靈寶二十四生經

歷代應現圖

歷代帝王崇道記

青陽宮記

紀勝賦

玄元內傳

樓觀先生內傳

高上老子內傳

道佛先後論

混元皇帝實錄

長生天氣力裏

大福廕護助裏

皇帝聖旨道與中書省樞密院御史臺隨路宣慰司  
按察司達魯花赤管民官管軍站人匠等官并衆  
先生母在前 蒙哥皇帝聖旨裏戊午年和尙  
先生母折證佛法先生母輸了底上頭教十七箇  
先生剃頭做了和尚更將先生母說謊做來的化  
胡等經并印板都燒毀了者隨路觀院裏畫著底  
石碑上鐫著底八十一化圖盡行燒毀壞了者麼

詳傳卷二

十一

道來如今都功德使司奏隨路先生母將合毀底  
經文并印板至今藏著却不曾毀了更保定真定  
太原平陽河中府王祖師菴頭關西等處有道藏  
經板這般奏的上頭教張平章張右丞焦尚書泉  
總統忽都于思翰林院衆學士中書省客省使都  
中書省宣使苦速丁淵僧錄真藏僧判衆講主長  
老等張天師祈真人李真人杜真人衆先生母一  
同於長春宮內分揀去來如今張平章等衆人母  
迴奏這先生家藏經除道德經是老一真實經旨  
其餘皆後人造作演說多有詆毀釋教偷竊佛語

更有收拾陰陽醫藥諸子等書往往改易名號傳注訛舛失其本真偽造符呪妄言佩之令人商賈倍利夫妻和合有如鴛鴦子嗣蕃息男壽女貞誑惑萬民非止一端意欲貪圖財利誘說妻女至有教人非妄佩符在臂男為君相女為后妃入水不溺入火不焚刀劍不能傷害等及今張天師祈真人李真人杜真人試之於火皆求哀請命自稱偽妄不敢試驗今議得除老子道德經外隨路但有道藏說謊經文并印板盡宜焚去又據祈真人李真人杜真人等奏告據道藏經內除老子道德經外俱係後人捏合不定文字情願盡行燒毀了俺也乾淨准奏今後先生每依著老子道德經裏行者如有愛佛經底做和尚去者若不為僧道娶妻為民者除道德經外說謊做來底道藏經文并印板盡行燒毀了者今差諸路釋教泉總統中書省客省使都魯前去

聖旨到日不問是何官吏先生道姑秀才軍民人匠鷹房打捕諸色人等應有收藏道家一切經文本處達魯花赤管民官添氣力用心拘刷見數分付與差去官眼同焚毀更觀院裏畫著底石碑上鐫



著底八十一化圖盡行除毀了者自宣諭已後如有隨處隱匿道家一切說謊捏合毀謗釋教偷竊佛言窺圖財利誘說妻女如此誑惑百姓符咒文字及道家大小諸般經文若所在官司不添氣力拘刷與隱藏之人一體要罪過者外民間諸子醫藥等文書自有板本不在焚限准此

至元十八年十月二十日

長生天氣力裏

皇帝聖旨宣撫司每根底城子裏村子裏達魯花赤根底官人每根底張真人為頭兒先生每根底宣

辨偽卷之二

十一

諭的 聖旨馬兒年和尚先生每持論經文問倒先生母的上頭十七箇先生每根底教做了和尚也已前屬和尚每底先生每占了的四百八十二處寺院內二百三十七處寺院并田地水土產業和尚根底回與也麼道張真人為頭兒先生每退狀文字與了來又先生每說謊做來的化胡經等文字印板教燒了者石碑上有底不棟甚麼上頭寫著底文字有呵盡都毀壞了者麼道來又已前先生每底教裏

釋迦牟尼佛的聖像當中間裏塑著有老君孔夫子

的相貌左右兩邊塑著有來如今先生之母把已前體例撇了

釋迦牟尼佛的聖像下頭塑者有麼道這般說有依著已前底教體例裏做者

釋迦牟尼佛的聖像下頭塑有呵改正了者麼道斷了來如今少林長老為頭兒和尚每奏告教回與來的寺院內一半不曾回與了的却再爭又有說謊做來的化胡經等文字印板一半不曾燒了有那教也不依著已前體例裏做有麼道這言語是實那是虛真箇這的每言語一般呵一般斷了者

辨偽卷二

廿二

別了呵怎生行的依著已前斷了的內不曾回與來的寺院有呵但屬寺家的田地水土產業回與了者說謊做來的化胡經文書印板不曾毀壞了的有呵毀壞了者那教也依著已前躰例裏做者俺每的這 聖旨這宣諭了呵已前斷了的言語別了呵寺院的田地不回與呵爭庶人有呵斷按打奚罪過者又這和尚每有 聖旨麼道已前斷了的已外不屬自己的寺院田地水土爭呵不怕罪過那甚麼 聖旨俺每庶雞兒年六月二十八日開平府有的時分寫來 長生天庶氣力裏

蒙哥皇帝福蔭裏 薛禪皇帝潛龍時令旨道與漢  
兒州城達魯花赤管民官僧官僧衆道官道衆人  
等據少林長老告稱 蒙哥皇帝聖旨裏委付布  
只兒為頭斷事官斷定隨路合退先生住寺院地  
面三十七處却有李真人差人詐傳

蒙哥皇帝聖旨一面奪要了來這言語問得承伏了  
是李真人差人詐傳的上頭如今只依先前的  
聖旨委付布只兒為頭斷事官元斷定三十七處地  
面教分付與少林長老去也准此

戊午年七月十一日開平府 行

拜偽卷二

大元至元辯偽錄卷第二

萬曆三十八年六月二十日



